

PREDGOVOR

DRUŠTVO I PRAVO:
SOCIOLOGIJA PRAVA

Pravo je veoma bitan element političke legitimizacije vladavine u društvu i značajan instrument normativne kulture, te nije ni čudo što je Ruso rekao da “najjači nije nikad dovoljno jak da uvijek bude gospodar, ako ne pretvori svoju snagu u pravo, a poslušnost u dužnost”.

Od antičkog doba, rimskog posebno, pa do danas, raspravljalo se i na razne načine raspravlja o prirodi, ulozi i funkciji prava u društvu. U tom periodu su se pojavile mnogobrojne škole, teorije i pravci koji su pravo posmatrali sa svog teorijskog stajališta. Pretežan dio njih je pravo posmatrao kao jurisdiktički fenomen.

U ovoj knjizi smo nastojali da pravo posmatramo kao sociološki fenomen, odnosno društveno determiniranu pojavu i, u tom smislu, se ona može shvatiti kao svojevrsan *uvod* u posmatranje *prava* kao *društvene pojave*. Zato je, prije svega, namijenjen studentima ali ga, naravno, mogu koristiti i svi zainteresovani.